

414.2

MARMORA ALBANA  
SIVE  
IN DUAS INSCRIPTIONES  
GLADIATORIAS  
CONJECTURÆ.



51

# MARMORA ALBANA

S I V E

## IN DUAS INSCRIPTIONES GLADIATORIAS

COLLEGII SILVANI AURELIANI

*Inter Rudera Urbis Romæ  
nuper repertas*

C O N J E C T U R Æ

A U C T O R E

RODULPHINO VENUTO CORTONENSI

REGIÆ SOCIETATIS ANTIQUARIÆ  
LONDINEN. SOCIO.



R O M Æ , M D C C L V I .

Sumptibus FAUSTI AMIDEI Bibliopolæ in Via Cursus.

---

Ex Typographia BERNARDI, & LAZARINI.  
SUPERIORUM FACULTATE.

In rebus tam antiquis, si quæ similia veri sint pro veris acci-  
pantur, satis habeam *Liv. lib. 5. cap. 21.*

*Perillustri, ac Celeberrimæ*  
**REGIÆ SOCIETATI**  
**ANTIQUARIÆ LONDINEN.**

RODULPHINUS VENUTI  
 ÆTERNITATEM PREGATUR.



*U*M certior hoc anno sim  
*factus, Amplissimi Viri,*  
*publicis Academiæ acce-*  
*ptis litteris, meum qualecumque no-*  
*men in Album vestræ CELEBERRI-*  
*MÆ SOCIETATIS relatum fuisse ;*  
*honoris non meriti, nec umquam*  
*sperati magnitudine obrutus, quo*  
*me*

me verterem nesciebam , ut grati  
animi mei sensus , & observantia  
mea debita argumenta Inclytæ isti  
Academiae palam facerem . Res  
enim , cui parem me non esse intel-  
legebam ; imo quam longe juxta in-  
genii vires sentiebam ; ea est , quæ  
non solum gratias honori tanto pares  
habere , sed quæ verbis , quantum  
honoris mihi sit adjunctum , com-  
prehendere possim . Sed qualescum-  
que sint ingenii mei vires ; potius  
indocti hominis nomen subire decre-  
vi , quam ingrati . Hanc igitur Dis-  
sertationem Amplissimo nomini ve-  
stro nuncupare volui : Et ut hæc  
grati animi mei , & honoris , a vo-  
bis in me humanissime , & magno  
animo collati testis esset , simulque  
vas ,

*vas, me non solum quam maxime  
 Vobis, Clarissimo Præsidi, & An-  
 tesignano vestro gratias habere, ve-  
 rum etiam, si quando vires suppe-  
 rant, aut Bonus Eventus auxilium  
 præstet, relaturum. Memoremque  
 me futurum, recipio non Dignita-  
 tis tantum, qua me de Italo cœtu  
 exeruiſtis, & in vestro, scilicet Do-  
 ctissimorum Virorum, cooptastis, sed  
 officiorum quoque, & obligationum,  
 quæ mihi locus tantus, & benigni-  
 tas, humanitasque vestra imposuit.  
 Atque ad ea adimplenda omni ni-  
 ſu, & totis animi viribus semper  
 incumbam, ut aliqua ex parte ipsi  
 honori, & vestræ de me opinioni  
 satisfaciam. Valete.*

IMPRIMATUR,

Si videbitur Reverendissimo Patri Magistro Sacri  
Palatii Apostolici.

*F. M. de Rubeis Patriarcha Constantinopo-  
litanus Vicegerens.*

---

APPROBATIO.

**L** EGI, mandante Rmo Patre Augustino Ma-  
ria Orfi Sac. Palatii Apostolici Magistro Dif-  
fertationem cui titulus: IN DUAS GLADIATORIAS  
INSCRIPTIONES COLLEGII SILVANI AURELIANI  
CONJECTURÆ, *Auctore Rodulphino Venuto Cortonenfi.*  
Nihil in illa offendi Christianæ Religionis, aut bo-  
nis moribus adversum. Conjecturæ solidæ sunt, &  
multiplici eruditione refertæ, & lectori antiqua-  
rum rerum studiose perjucundas atque gratas fu-  
turas pro certo habeo, si typis ædi contingent.

Hac die 22. Julii 1756. in Collegio Clementino.

*D. Jo: Franciscus Baldinus  
Cleric. Regul. Som.*

---

IMPRIMATUR.

Fr. Joseph Augustinus Orfi Sacri Palatii Apostoli-  
ci Magister Ordinis Prædicatorum.

IN-



• 614.2

56a

IN<sup>IO</sup> QVINTILLO . COS.

J V R E L I A N I

CVRA<sup>VS</sup>.CRYP<sup>T</sup>ARIVS

C. III

DEC. IIII

BORY 7RET. TIR APRILIS PAECNIAR

CLO<sup>N</sup>VS 7RET. N̄ ZOSIMVS THR SPCALI<sup>VP</sup>ORASZOSI<sup>VS</sup> 7RET. TIRPLVT<sup>S</sup>. FELICIANVSPERT<sup>S</sup>. FELIX

CAR. PACAN

CRIS. MARISCVS

PAR. SANCTVS

MILI<sup>VS</sup>..PACAN



## INSCRIPTIONIS PRIMÆ EXPLANATIO.



**D**uo inscripta Marmora tribus  
ab hinc mensibus effossa fuere  
in Urbe , & ut fertur in Aven-  
tino Monte , quæ forte fortu-  
na inciderunt in manus Esmi  
Cardinalis ALEXANDRI ALBANI harum lauti-  
tiarum cultor eximius , qui ea transtulit in  
suum amœnissimum secessum extra Portam  
Salariam , quem opere vere Regio , ac  
magnificentissimo modo extruit , exornat-  
que . Ubi igitur Marmora sum è propinquo  
contemplatus , dixi breviter quæ sentirem :

A Cum

Cum vero Inscriptiones antiquæ eruditam quandam veluti lucem afferre viderentur, meam de illis sententiam, ut uberiori sermone explicarem Viri mei amicissimi perpulerunt, addentes in argumento inesse novitatem, cum Marmora nunc primum reperta sint; atque ambo non nullas res non obvias contineant. At ne diutius ab instituto aberremus, ad Marmora propius accedentes, quid contineant verbis quam paucissimis Lectori explanabimus.

Silvanum, qui agrestis ab initio Deus, ac veluti *arvorum pecorisque custos*, sylvarum, & montium patronus colebatur; unde Virgilius <sup>a</sup>:

*Silvano fama est veteres sacrasse Pelasgos  
Arvorum, pecorisque Deo, lucumque, diemque*

In hortos paulatim intulere, inde etiam in Urbes, ubi domestica ei munia, & propria urbani Dei assignarunt. Porro Silvanum domesticum idem significare videtur ac Larem,

<sup>a</sup> Virgil. *Æneid.* 8. num. 600.

rem, Geniumque qui tecti, domus, familiæ custos esset.

Si veterum Inscriptionum rationem prosequamur, profecto fere in hisce omnibus legitur SILVANO AVGVSTO, at in nostra habetur SILVANO AVRELIANO, quod unum idemque est: nam cum Commodus Imperator prænomen *Marci Aurelii* obtineat, Collegium Silvani Aureliani, pro *Augustali* nomen nimis genericum sibi indidit. Si ceteris Diis, & Laribus tamquam Augustis vota solvebantur, cur non & Silvano Aurelianensi, vel Commodiano? Quum hic Deus *Pollens* inter alios titulos appelletur<sup>a</sup>, quod nomen tantummodo datum est Herculi; ex quo arctissimam horum Deorum societatem, comunemque dignitatem, & cultum inferri licet, magis magisque Commodum consentaneum, qui amavit se *Romæ novum conditorem*, & *Herculem Romanum*<sup>b</sup> dici, atque habitu Herculeo incedere non recusavit.

A 2

Illud

<sup>a</sup> Fabret. de aqueduct. ap. Grav. tom. 4. pag. 1731.

<sup>b</sup> Dio. Herod. Lamprid. Vaillant. in numm.

Illud hoc loco nullatenus prætermittendum duxi, privata non solum dicata fuisse Silvano Deo monumenta, sed publica etiam, eaque magnificentissima<sup>a</sup>. In Viminali Templum ei fuit erectum, in ea parte, qua mons spectat occasum Solis, cujus rudera adhuc supersunt, quod ob vetustatem collapsum a Sexto Antonio Trevirensi Cive inde restitutum docet nos Gruteriana Inscriptio<sup>b</sup>: Alterum in Aventino Monte commune habuit cum Hercule: Alterius in Aventinis hortis soli Silvano sacri meminit Petrus Victor<sup>c</sup>, quod in altero Montis vertice situm fuisse opinatur Alexander Donatus<sup>d</sup>.

Cum Silvanus Urbanus familiaris etiam Larcreditus, cultusque fuerit, ut supra diximus, hoc quidem fortasse in causa fuit, ut Silvanum Magni Collegii Larem Præsidem statuerint. De Silvani Collegio meminere Gru-

<sup>a</sup> *Marlian. topogr. Urb. Rom. pag. 93.*

<sup>b</sup> *Grut. pag. 64. num. 6.*

<sup>c</sup> *Petr. Viss. de Reg. Urbis.*

<sup>d</sup> *Apud Grev. tom. 3. pag. 109. Donat. Rom. Antiq. ibid. pag. 786.*

Gruterus<sup>a</sup>, & Muratorius<sup>b</sup>. Ad hæc numina adnexa erant Sodalium Collegia ad sacra faciunda. Si horum Collegiorum certum haberemus initium, nonnulla clarius exponi possent, atqui variantibus pro locorum varietate eorum institutionibus, res in incerto vagatur. Certum est inter cœtus religiosos Collegia censerī, utpote quæ comunem Numinis cultum haberent, arcam comunem, comuniaque sacrificia, & epulum statis temporibus haberent. Dubitat Reinesius<sup>c</sup> inter sacra ne, an politica collegia ejusmodi sint reponenda; verum similes conventus *homines corporis religiosi vocabantur*<sup>d</sup>: cui opinioni eo libentius adhæreo, quo ab ipsa origine hæc sodalitates sacras fuisse ex Cicerone accipio<sup>e</sup>.

At altius rem repetam. Plutarchus in vita Numæ, ait, ab eo Collegia instituta fuisse politica ratione; nempe secundum vartia artium munera: In sua quæque corpora artifi-

---

<sup>a</sup> Grut. pag. 318.

<sup>b</sup> Murat. pag. 529. num. 5.

<sup>c</sup> Vid. Reines. Inscript.

<sup>d</sup> Vid. Fest.

<sup>e</sup> De Senect.

tifices a prudentissimo Rege jam pridem redactos fuisse, qui, *unicuique generi* suos peculiare conventus, & religiones præscribens, tum primum ita ex Urbe sustulit eam diversitatem, qua alii Romani, alii Sabini, hi Romuli, illi Tatii cives censebantur, suaque divisione id consecutus est, ut omnes cum omnibus convenirent. Inter Collegia sacra, Collegium Magnum, ita per Antonomasia dictum, celebre est. De hoc Collegio Magno, quod idem est cum Collegio Larum, & Imaginum sub tutela, & patrocinio Silvani plura edisserit Fabrettus tam in syntagmate Columnæ Trajanæ <sup>a</sup>, quam in Inscriptionibus <sup>b</sup>, ubi SCRIBAM COLLEGII MAGNI memorat. In Aventino Lapis effossus est in privata domo Trajani, ubi legitur <sup>c</sup> CVLTORES LARVM ET IMAGINVM DOMVS AVGVSTAE. Hæc Collegia vocabantur etiam Sodalicia; inter Inscriptiones a Fabretto donatas SODA-

---

<sup>a</sup> Cap. 7. pag. 205.      <sup>b</sup> Pag. 4+7.  
<sup>c</sup> Donat. Rom. Vet. loc. cit.



DALICIVM SILVANI memoratur<sup>a</sup> cum nominibus Decuriæ. Decurias hic, & alibi plures quam decem extitisse constat.

Sed antequam ad Inscriptionis explicationem procedamus, perpulcrum erit alteram similem inscriptionem observare a Cl. Montfauconio<sup>b</sup> allatam in peculiari Dissertatione ab ipso elaborata inter volumina Regiæ Societatis Parisiensis, iterum, iterumque typis recusa a Cl. Marchione Scipione Maffejo<sup>c</sup> Muratorio<sup>d</sup>, atque inter Marmora Taurinensia<sup>e</sup>. Inscriptio ita se habet.

COLLEGIVM  
SILVANI. REST  
ITVERVNT. M.  
AVRELIVS. AVG.  
LIB. HILARVS  
ET. MAGNVS. CRYP  
TARIVS. CVRATORES.

Marmor repertum fuit, veluti Montfauconius

<sup>a</sup> Pag. 448. loc. cit.

<sup>b</sup> Tom 1. Edit. Italic. Venet. 1748. Diss. vi.

<sup>c</sup> Antiq. Gallie, pag. 27.      <sup>d</sup> Tom. 1. pag. 127.

<sup>e</sup> Murat. Inscript. &c.

nus testatur, in luco Vincennensi, vulgo *Vincennes*, prope Abbatiam S. Mauri *des Fosses*: Nomina M. Aurelii, & Magni Cryptarii eadem sunt, quæ in nostra habemus Inscriptione, ex quo oritur conjectura satis probanda in Galliis extitisse alterum Collegium Silvani a nostro Romano, vel Magno, vel altero dependens, cui ex Urbe præerant iidem Curatores, qui nostro præsidebant, videlicet M. Aur. Hilarus, & Coelius Magnus Cryptarius.

Cum L. Aurelius Commodus Imperator muneribus Gladiatoriiis quam maxime oblectaretur, unde post prandii tempus in Theatro cum magnificentissima ederet spectacula, & ipse se exerceret, atque armis uteretur Secutoris, teneretque scutum dextera, gladium ligneum sinistra, ob eamque causam maxime gloriaretur, quod scæva esset, mirum non est, si Gladiatorum familiam dilexerit, atque ab ea sit omnimodè cultus. Dio Auctor illius ævi ita inquit<sup>a</sup>:

*Cer-*

---

<sup>a</sup> In vit. Commod. rom. 2. Edit. Basil.

*Certabat cum eo ejus ludimagister , vel potius gladiator , cui ferula erat in manibus , eumque ipse provocabat interdum , interdum delegabat populus . Id etiam , ceteraque omnia cum reliquis gladiatoribus pariter faciebat : quamquam hoc uno differebat , cum illi parva accepta pecunia descenderent in certamen ; Commodus autem numerabantur singulis diebus de pecunia gladiatorum decies sextertium .*

Gladiatores igitur obtinuerunt ab Imperatore Commodus , ut Collegium instituerent , veluti artes nonnullæ , quæ usque a temporibus Numæ Pompilii , & Servii Tullii habebant , forsitan in Aventino ad Ædem Silvani , & Herculis , indulgendo Genio , & nomine Augusti , qui *Herculius* dicebatur , vel novum , vel alterum , quamvis de antiquiore Gladiatorum Collegio nullam reperim memoriam .

### INSCRIPTIO PRIMA

IMP. CAES. L. AVRELIO. COMMODO.

M. PLAVTIO. QVINTILLO. COS.

B

Ini-

Initum Collegium fuit Imperatore Cæsare Lucio Aurelio Commodo, & M. Plautio Quintillo Cofs. videlicet Anno V. C. DCCCCXXX. Chr. CLXXVII. III. Imperii anno<sup>a</sup>. In Fastis alter Consulum appellatur tantummodo *Quintillus*. Plautius Quintillus Consul fuit cum Statio Prisco sub Pio Principe anno XXI. Imp. V. C. DCCCCXI. iterum vero cum Commodo A. V. DCCCCXXX. Prioris Consulatus meminit Inscriptio vetusta Gruteriana<sup>b</sup>, & utriusque Pandectæ<sup>c</sup>.

### INITIALES . COLLEGI SILVANI . AVRELIANI.

In Glossario latino Barbaro Ducangii<sup>d</sup> *initiatu*s, & *initiatæ*, pro incipientibus in pluribus allatis chartis legitur; unde mirum non sit si verbum minus frequens *initiales* hic sumitur loco fundatores Collegii, quorum nomina sunt infra scripta.

CV.

<sup>a</sup> Vid. Alnelowen. Reland. & Vigniol. de Ann. Alex. Sever.

<sup>b</sup> Pag. 135.    <sup>c</sup> 38. ad S. C. Tertull.    <sup>d</sup> Lexic. tom. 1.

CVRATORES . M. AVRELIVS  
AVG. LIB. HILARVS  
ET . COELIVS . MAGNVS  
CRYPTARIVS.

Curatores qui præessent Collegio fue-  
re electi M. Aurelius Aug. Libertus Hilarus,  
& Coelius Magnus Cryptarius . Hæc ea-  
dem nomina habentur quoque in Inscriptio-  
ne Gallica<sup>a</sup>, ut jam diximus. Cl. Montfauco-  
nius<sup>b</sup> credit M. Aurelium extitisse Liber-  
tum M. Aurelii Imperatoris ; at nos puta-  
mus extare potuisse Libertum tam patris ,  
quam filii , cum & Commodus Imperator  
M. Aurelii nomen præferat : In secundo  
nomine in Inscriptione Vincennensi deficit  
COELII prænomen, unde *Cryptarius* veluti  
nomen accepit Montfauconius , cum nos  
officium potius credamus . Verbum *Crypta*  
non raro invenitur apud scriptores veteres ;  
Seneca<sup>c</sup> : *Aceromate nos apte excepit in Cry-*  
*pta Neapolitana* , & Juvenalis : <sup>d</sup>

*Et solitus mediæ Cryptam penetrare Suburræ .*

B 2

In

<sup>a</sup> Loc. cit.

<sup>b</sup> In Dissert. de Monum. Gallic. antiq.

<sup>c</sup> Epist. 58.

<sup>d</sup> Sat. 5.

In veterum Christianorum monumentis sæpe legitur *Crypta*, *Crupta*, & *Cryptarius*, & *Cruptarius*, pro sepulcro, vel cavea subterranea, ex quo *Cryptarii* dicti fuere etiam *Fossores*: Non ergo putes parvum officium esse *Fossorum* ait Boldettus<sup>a</sup>, qui dicebantur etiam *Porticarii*, *Arenarii*, *Cryptarii*, *laborantes*. *Cryptarii* ut autumo, vel erant inter *bestiarios* connumerandi, qui pugnabant cum feris è cavea eductis, vel *Cryptas* Amphiteatri, vel illius arenam curabant. Hi igitur Curatores Collegium restaurarunt sub Imperatore Commodo, potius quam sub M. Aurelio patre secundum Montfauconii sententiam.

Antequam ad nomina, & officia Gladiatorum explicanda orationem prosequamur, aliqua duximus adnotanda circa Collegia, Corpora, & eorum Decurias. Nonnullas vicissitudines habuerunt Romæ Collegia: Vix latine ullus Collegia *Sodalitia* dixerit, sed Collegia *Sodalium*: at ne pertur-

---

<sup>a</sup> Boldett. de Cemet. pag. 65.

turbatione ordinum, & Collegiorum aliquid peccetur, aliud plerumque pro alio accipitur, ut Collegium Senatorum, Collegium Ordinum, Collegium Pontificum, <sup>a</sup> atque ad ea constituenda tantummodo tres homines satis erant <sup>b</sup>. Sodalitates vero, ut ait Cicero <sup>c</sup>, Questore M. Catone majore constitutæ sunt sacris Idæis Magnæ Matris receptis. Cum nonnulla ex istis Collegiis Sodaliciis quieti Urbis adversa sæpe acciderint, eo quia sine publico consensu convenirent in unum, hoc assumpto prætextu seditiosi homines ad patranda scelera, seditionesque ex S. C. variis editis legibus sancitum fuit, quod Collegia similia abolerentur, exceptis Fabrorum, & Lictorum Collegiis; quæ restituta tamen fuerunt per Pub. Clodium <sup>d</sup> *L. Cæcilio Q. Marcio Coss. Senatus Consulto Collegia sublata sunt, quæ adversus Rempublicam videbantur esse. Solebant enim Magistri*  
*Colle-*

<sup>a</sup> Gurl. de vet. Jur. Pontif. Urb. Rom. lib. 1. cap. 3.

<sup>b</sup> De Sen. et. cap. 13.

<sup>c</sup> Aſcon. in Cicer. pag. 131.

<sup>d</sup> Id. Aſcon. pag. 158.

*Collegiorum ludos facere, sicut Magistri Vicorum faciebant compitalicios prætextati, qui ludi, sublati Collegiis, desierunt. Post novem deinde annos quam sublata sunt, Publius Clodius Tribunus Plebis lege lata restituit. Hæc Collegia dividebantur in sacra, & profana; inter sacra connumerabatur illud Fratrum Arvalium<sup>a</sup>, qui sacra faciebant ad ubertatem agrorum a Diis impetrandam; ita quoque Silvani Collegium inter sacra connumerandum puto, Magnum quandoque dictum forsan, quod præesset aliis Silvani Collegiis per Orbem Romanum institutis; ad quam probandam sententiam non levis est conjecturæ Marmor à Montfauconio allatum, in quo Curatores Collegii Silvani Romæ existentes mandant, ut Collegium Gallicum Silvani vetustate fatiscens in pristinam redigatur formam. Insuper addam, Collegium Magnum Silvani veluti antiquius, ac celeberrimum forsan præfuisse, etiam Collegio nostro, nuper instituto, atque*

---

<sup>a</sup> *A Turre Mon. Vet. Antii.*



que Imperatori & Silvano dicatum . Collegium Silvani in Galliis nostro antiquior est sine dubio, forsan institutum, ut cenſet Mont-fauconius paulo poſt quam Galliæ in poteſtatem Populi Romani fuere redactæ . In Urbe Roma Silvani cultus antiquiſſimus, ac frequens fuit . Cl. Fabrettus memorat via Oſtienſi lucum extitiſſe, in quo rudera antiqui Templi obſervavit cum inſcriptione SILVANO SANCTO . Sodales, qui Collegium Magnum Silvani componebant, ſupra centeſimum numerum computabantur, ut habemus in antiquo Marmore, quod eorum nomina refert <sup>a</sup>; in eo Præſes Collegii, ſeu *Initialis*, ut dicitur in noſtro Marmore, appellatur C. IVL. ELPIDEPHORVS CIRINVS, vocaturque PATRONVS . SODALICII: ſequuntur deinde ſex alii, qui dicuntur IMMVNES, demum XCII. Sodalium nomina adſcripta leguntur per Decurias diſtributa . Noſtrum Collegium in quatuor tantummodo Decurias dividitur; nume-

---

<sup>a</sup> In *Sinag. Col. Traj. & in Inſcript.*

merus vero Sodalium non excedit XXXII. Decuriæ non semper ex X. viris componebantur, ut Montfauconius observat, quamvis id indicare videatur Decuriæ nomen, sed quandoque Decuriæ compositæ erant ex VII. XIV. & XV. viris, usque ad XVI.; at in nostro lapide in tribus Decuriis X. tantummodo observantur, in quarta, veluti non completa, duo tantum sunt ascripti, vacante reliquo numero.

## DEC. I.

## PORISTENES. THR. VET.

Aliam Inscriptionem Gladiatoriam—Venusii repertam adfert Fabrettus <sup>a</sup>, in qua inter munera gladiatoria legitur TR., seu ut in secundo THR. Thrax, vel Thraces, de quibus, & eorum armatura plura, novaque idem Auctor attulit <sup>b</sup>. Non tantum a peculiari gladiatoria pugna vocabantur, sed quia ipsi ex ea gente erant: Certe suo ingenio

---

<sup>a</sup> *Inscrip. Num.* 202. 203.

<sup>b</sup> *Cap. 8. pag. 256. Synr. Col. Trajan.*

nio ea gens prona ad pugnas, & cedes; eorum arma Thracidica fuere dicta; & inde *pugnare Thracidicis* Cicero dixit<sup>a</sup>. Festus<sup>b</sup>, & Martialis iis<sup>c</sup> *parmam* dant, sumpta enim *parma* a Thracum populo, quibus veluti propria erat; *harpe* etiam, idest ensis falcatus Thracum, Latinis *sica*, a Curtio *Copys* dicta. Veteranus inter Thraces appellatur Poristenes, videlicet in hac militia jam emeritus, ac rude donatus. Dicebantur etiam *consumati*<sup>d</sup>, qui jam artem usu diuturno callerent.

## CLONIVS . HOPI... VET.

Hoplomachus universe sonat quemvis Gladiatorum, qui pugnat armatus; tamen species est certa Gladiatorum, quæ Hoplomachorum dicebatur; de quibus Inscriptio est apud Fabretum<sup>e</sup>; Humeros exhibebant ex parte nudos, capitisque operimento carentes; altera tamen bradii pars armata pugio

C

gio

---

a Pro Mil.    b Fest. in verb.    c Martial. in Epigr.  
d Frontin. 4. 3. 12.    e Loc. cit.

gione, clypeoque protecta erat, altera vero fuscinam vibrabat<sup>a</sup>.

CALLISTENES . THR. VET.

ZOSIMVS . ESS. VET.

PLVTON . ESS. VET.

*Essedum*, vel *Esseda* currus appellabatur quo utebantur in bello Galli<sup>b</sup>, & Britanni, unde *Essedarius* dicebatur ille, qui pugnabat è curru: Hi forsan meo iudicio vocabantur etiam *Galli*, & *ludus Gallicus* ubi se exercebant<sup>c</sup>. Erant igitur *Essedarii* gladiatorum genus a *Myrmillonibus* diversum. Nam *Plutarchus*<sup>d</sup> ex *Spartaci* manu alios Gallos, alios *Thraces* inter *Gladiatores*, fuisse dicit, ubi prudens ejus latronis consilium laudat, cogitantis, postquam a se superari *Romanorum* potentiam desperavit; *Optimum esse, ut superatis Alpibus in patriam suam Galliam alii, reliqui Thraciam discederent*. *Essedarii*, ait *Lipsius*<sup>e</sup>, *sunt qui*

<sup>a</sup> Vid. Coll. Antig. Borioni.

<sup>b</sup> Cæs. de bell. Gall.

<sup>c</sup> Aur. Viët.

<sup>d</sup> In Crasso.

<sup>e</sup> Diatrib. de Gladiat.

*qui ex Effedo pugnant* ; quamquam mixtim, modo è curru , modo pedites præliati sint ; nam defiliisse , & pedibus pugnassee innuere videtur Seneca <sup>a</sup> . Servum etiam habuisse videntur in pugna , qui pro auriga equos regeret <sup>b</sup> .

### PERTINAX . 7 RET. VET.

Centurio Retiariorum Pertinax fuit, vel in Centuria Retiariorum adscriptus, & jam emeritus ; quod sigla 7 significat , veluti omnibus jam perspectum <sup>c</sup> . *Retiarii cum Secutoribus* pugnant fuscina potissimum

a De Clem.      b Lips. de Gladiat. lib.

c Dissert. di Cort. tom. vii. Dissert. iv. pag. 62. del P. Bernardino Vestrini sopra un Iscrizione .

Il segno della Centuria nelle Iscrizioni militari suol essere simile alla cifra Arabica del numero 7 , e rari sono quei Monumenti ove si veda in sua vece un o a rovescio , come porta l'Iscrizione Umbriciana . Gli Eruditi hanno creduto , che il segno 7 abbia correlazione al tralcio di vite , o alla verga torta , che si vuole portassero i Centurioni , e però denoti il loro Uffizio : sicchè parrebbe , che il segno o fosse un'alterazione del vero segno 7 . Io però penso , che tanto o , che 7 siano segni primitivi della Centuria , come lettere iniziali della detta voce . Basta leggere gli Etruschi Alfabeti , e si vedrà , che la lettera o , o 7 , e il o , e il 7 degli

mum hostem excipiebant ne jaculo caperentur<sup>a</sup>; in genua procumbebant, ut inimicum longius inspicere possent, atque ejus artes, hastusque eludere, fortiterque illum expectare. Retiarios a Justo Lipsio luculenter descriptos habemus<sup>b</sup>.

CARPOPHORVS . MVR. VET.  
CRISPINVS . MVR. VET.

In Inscriptione a Fabretto allata M. si-  
ve ut in secundo lapide MVR. Myrmillo-  
nes recensentur, quos Lipsius cum Hoplo-  
machis, & Samnitibus confundit; frustra  
tamen, ut in nostro Lapide, in quo distin-  
cte

---

Etruschi, simile al Coph degli Ebrei: onde dagli antichi La-  
tini, e specialmente nell' Etruria, saranno state usate in al-  
cuni casi le formazioni antiche in vece della forma nuova,  
del c. In fatti si trova D. IVLIVS e 7. IVLIVS, e OL. e 7L  
in vece di CL. per dinotare *Caii Libertus*, trovandosi nella  
sopralodata Tavola Gruteriana replicato più volte, come in  
appresso:

D. IVLIVS . 7L. DEMETRIVS.

*Cajus Julius, Caii Libertas Demetrius.* Ecco per tanto la  
vera origine del famoso segno 7, usato poi in altro senso  
ne' bassi secoli, senza ricorrere, come fin ora è stato fatto,  
alle verghe storte de' Centurioni.

<sup>a</sup> *Colle. F. Rom. Antiq. Borion.*      <sup>b</sup> *Loc. cit. cap. 1.*

Et e Hoplomachi a Myrmillonibus recensentur .

### PARDVS . PROV. VET.

Provocatores , quos & Samnites Lippius vocat ; at melius cum Cicerone , hicum Samnitibus solebant componi . Artemidorus *Probatores* vocat , voce videlicet peregrina . Arma eorum Livius describit : scutum auro , & argento cælatum , cujus summum latus , qui pectus , & humeri teguntur , fastigio æquali ad imum cuneatis , mobilitatis causa , baltheo , & ocreis armati .

### NILPHIVS . MVR. VET.

Aliqua addam de Myrmillonibus ; ita meo quidem iudicio appellati , quia pugabant cum manicis ferreis , vel cum viriculo , quo collum astringebatur . Eorum armaturam describit Juvenalis :<sup>a</sup>

*Aspice quo fremitu monstratos perferat ictus ,*

*Et quanto Galeæ curvatur pondere , quanta*

*Poplitibus sedeat , quam denso fascia libro .*

Pro

---

<sup>a</sup> Sat. vi. num. 26.

Pro lorica spongia erat pectori adpressa, vel fascia ex pluribus contabulationibus densata.

## DEC. II.

VITVLVS . MVR. VET.

DEMOSTENES . MANICAR.

Manicarios, qui & Dimacharii dicebantur, colligas facile duobus gladiis pugnasse. Hi gladiatores sunt parum noti, difficileque inventu. Cum unus ex Gladiatoribus peteret, vitaret alter; hanc petitionem Seneca dixit *Manum mittere*, Gladiatorium verbum, quod est *petere*; atque in pari numero pugnabant.

FELICIANVS . RET. TIR.

In ludo Gladiatorio duo erant genera: Tirones, seu novicii, & Veterani; isti nobiliores, & usu longo edocti. Ad Tirones Doctorum, & Magistrorum cura, & instructio præcipue pertinebat; quin iidem *commentarii* dicuntur, & *dictata dare*, verbis omnibus a meliore ludo sumptis, ut Lipsius



pius<sup>a</sup> observat; nec inepte *dictata*, quia revera praecepta sua armorum commiscere, etiam scriptis solebant.

SERVANDVS . RET. TIR.  
IVVENIS . MVR. SP.

Forſan *ſpectator*, diverſus a Tirone, qui quandoque nulli adhuc certamini erat adſcriptus; hic inter Myrmillones erat tantummodo ſpectator.

RIPANVS . 7 RET. TIR.  
SILVANVS . 7 RET. TIR.  
SECVNDINVS . PROV. TIR.  
ELEVThER . THR. TIR.  
PIRATA . VNCT.

In loco pugnae ſpoliario ſuus erat locus, ubi ſervi erant, qui veſtes communes exuebant, propriasque ludo induebant Gladiatores, veluti ſcutum, caſſidem, aliaque cuique propria: inter alios etiam *Unctuarii* erant,

---

a Loc. cit.

erant, qui nuda Gladiatorum corpora, & capillos ungebant, atque pulvere aspergebant, ut difficilius ab adversariis teneri possent. Præclarissima illa statua in Museo Capitolino Gladiatoris animam agentis, sive ex Myrmillonibus, sive ex Lorariis sit, crines habet tali forma compactos, veluti unctos, atque in massas conglomeratos.

## DEC. III.

BAROSVS. 7 RET. TIR.

AEMILIANVS . 7 RET. N̄.

Sicuti in agmine Gladiatorio reperiuntur Gladiatores *supposititii*, qui aliquo ex dimicantibus vel fesso, vel sancio in munere subducebantur: ita aliqui erant, qui ex ipsa Decuria peculiariter seligebantur, qui *Numerarii* appellati erant<sup>a</sup>; potius quam *novi* veluti autumant nonnulli.

VL

---

<sup>a</sup> Vid. Dien. in vir. Commod.

VLPIVS . EVPORAS  
 PROSHODUS . 7RET. VET.  
 AVRELIVS . FELICIANVS  
 AVRELIVS . FELIX  
 ZOILVS . PACAN  
 FLAVIVS . MARISCVS  
 FLAVIVS . SANCTVS  
 DIODORVS . PACAN.

Cum nullo sint hi agmine Gladiatorio  
 inscripti, dubitari facile posset ex numero  
 extitisse *Catervariorum*; ita dicti a modo pu-  
 gnæ; scilicet, cum non singuli cum singu-  
 lis, ut moris, sed confusi, mixtique pugna-  
 rent, & per catervas, unde Svetonius <sup>a</sup> di-  
 xit *Catervarii* pugiles.

DEC. IIII.  
 APRILIS . PECNIARIVS.

*Pecniarius*, quod idem est ac *Pecma-  
 rius* Gladiator erat, nomen fumens ab ar-  
 D mis:

---

<sup>a</sup> In *Vit. Claud.*

mis: ii igitur a loco nomen habent, quia pegmatibus impositis pugnabant, licet tantum captivos, aut insignis sceleris damnatos in pegmatis solere ostendi constet. Ad pegma autem moliendum, movendumque multi è numero Fabrorum erant administri: ii ergo admoti per occasionem, tractique in arenam a Calligula<sup>a</sup>, deficientibus bestiariis.

## ZOSIMVS . THR. SP.

Hæc Decuria duo tantummodo continet Gladiatorum nomina; vel quia Decuria non esset adhuc completa, vel quod alii Gladiatores sumptus instituti Collegii ferre non possent, ideoque ab ipso se abstinerent.



MAR-

---

<sup>a</sup> *Suet. in Calig.*



COMMODO . FELIX . FAMILIA.  
STVIT . DEDICANTE.  
SLICITER . ORDINI.  
PRIBVS.  
C LIBERTO . EVPORAN  
MVM . CAESAREM.



## MARMOR SECUNDUM

FELICI . IMPERATORI . OMNIA . FELICIA  
SALVO . COMMODO . FELIX . FAMILIA .



**A**CCLAMARI solitum Imperatoribus omnibus notum . Paulus Diaconus <sup>a</sup> ob Pertinacis laudem ingeminatis ad vocis usque deliquium plausibus acclamatum esse refert : *Pertinacem Imperatorem securi viximus , neminem timuimus , Patri Pio , Patri Senatus , Patri omnium bonorum . Non aliter Principibus acclamabatur in Senatu , quam , Felicior Augusto , Melior Trajano .* Capitolinus <sup>b</sup> refert accla-

D 2

ma-

<sup>a</sup> Lib. 8.

<sup>b</sup> In vit.

mationes a populo M. Aurelio Commodi  
 patre: *Philosophiæ tuæ, Patientiæ tuæ, In-*  
*nocentiæ tuæ, Castitati tuæ.* Ipse Commo-  
 dus non tantum amavit acclamari a Populo,  
 quam a Senatu, maxime post peractam pu-  
 gnâ Gladiatorem ab ipso exercitam: Ita  
 Dio<sup>a</sup> testis ocularis, & particeps scribit:  
*Tum nos magna voce dicebamus multa, &*  
*jusseramus, illud autem crebro: Dominus*  
*es, primus es, vincis omnes felicissime ex*  
*eterno tempore, Amazonie vincis.* Mirum  
 igitur non sit, si in nummis hujus Imperato-  
 ris nonnullæ acclamationes reperiantur, vi-  
 delicet FELICITATI. CAES., FELICI-  
 TATI. PERPETVA. AVG., TEMPO-  
 RVM. FELICITAS., FELICIA. TEM-  
 PORA. PIO. IMP. OMNIA. FELICIA.,  
 VOTIS. FELICIBVS. HERCVLI. RO-  
 MANO. AVG. HERCVLI. ROM. CON-  
 DITORI. SAL. GEN. HVM., VOTA.  
 PVBLICA., VOTA. SVSCEPTA., VO-  
 TA. SOLVTA., IOVI. IMP. OMNI.  
 AETER.

a Dion. 1011. 2. pag. 325. ed. Bæstl.



AETERNA <sup>a</sup>. Moris fuit ut acclamationes populi si praesens non esset ad Imperatorem a Praefecto Urbis, aut Senatu mitterentur. Erat aliquis qui formulam acclamationis conciperet, veluti praecentor, reliqui voces ab eo acceptas reddebant, quæ Plinius *Can-  
tica*

<sup>a</sup> Vaill. num. tom. 1. pag. 96. 101. 102. tom. 3. pag. 155.

Differt. vi. di Monsieur Beauvais tom. vii. dell' Accademia di  
Cortona pag. 94.

Era da lungo tempo il Senato in uso di dare a larga mano agl' Imperatori Romani più stravaganti, e ridicoli elogj; non ne fu avaro con Comodo. Il primo fu egli ad avere il titolo di *Felice*, unito a quello di *Pio*, e di *Clemente*, come portano Antonino, e Marco Aurelio. PIVS. FELIX. Fu decorato col grato nome di Padre della Patria da pochi Imperatori meritato, PATER. PATRIAE. Di Padre del Senato benchè facile moltiplicar numero di Senatori. PATER. SENATVS. Fu tenuto propagatore della Pietà. AVCTOR. PIETATIS. Autore della pubblica felicità. FELICITAS. PVBLICA. Del piacere, e gioja di cui andavano fastosi i Cittadini. LETITIAE. CIVIVM. Dandogli gl' istessi attributi della Dea della Salute. SALVS. GENERIS. HVMANI. Gli abitanti della Città di Nicea gli fecero battere una Medaglia, che trovasi nel Museo del Re Cristianissimo col seguente elogio. KOMMOΔOT. BACIAETONTOC. O. KOZMOC. EXTYXEI. *Commodo Regnante Mundus beatus est.* Oltre tali elogj de' quali vanno ripiene le Medaglie di questo Principe, fece plauso il Senato alla sacrilega frenesia di un tal Uomo, che credevasi una Divinità in terra, e gli coniarono Medaglie, ove era detto. HERCVLI. ROMANO. IOVI. EXSVPERANTISSIMO. Per finirla, benchè le  
stra-

*tica* vocat. Collegium nostrum Gladiatorium non tantum acclamabat voce, sed etiam in Marmore acclamationes insculpsit: *Felici Imperatori omnia felicia; salvo Commodo, felix Familia*, idest Gladiatoria, non Cæsaris. Tota autem manus, quæ sub uno Lanista exercebatur, Familia appellabatur, ipse vero dicebatur *Familiae præesse*; hinc natum proverbium Ciceroni familiare, *ducere familiam*<sup>a</sup>, quod idem est quam Familiae

---

stranezze, e crudeltà di questo Principe gli procacciassero un tragico fine, e restasse da tutti gl' Istorici infamata la sua memoria; non ostante Gallieno Imperatore colloco llo tra gli Dej. DIVO. COMMODO. (Prima di Gallieno fu ciò fatto da Severo, come può vederli in questo Tomo Diff. iv. pag. 64.) Si trova finalmente ne' tempi più bassi un'infinità di esempj di simili acclamazioni su le Medaglie degl' Imperatori, e l'adulazione assuefice dopo lungo tempo i Romani a dispenfarle prodigamente anche a coloro i quali ne erano i meno degni. Tali sono tra le altre le Medaglie di Macrino battute nel tempo della sua esaltazione all' Impero, nelle quali si legge *Felicitas Temporum*. In quelle d'Eliogabolo *Spes Perpetua*; in quelle di Filippo *Spes Felicitatis Orbis*, in quelle di Trajano Decio *Felicitas Seculi*, di Treboniano Gallo *Felicitas Publica*, di Gallieno *Genius Populi Romani*, ed in una Medaglia di bronzo del Tiranno Massenzio del mio Gabinetto la quale cito, perchè il suo rovescio non è ancora conosciuto *Gloria Romanorum*. Finalmente in Graziano *Gloria novi Seculi, e Augustorum Augustus*.

<sup>a</sup> Just. Lips. loc. cit. pag. 212.

liæ præesse, sumptumque ab hac ipsa Lanistarum præfectura. Arnobius de Cerere loquens; *Nebridarum familia, ait, pellicula cobonestavit binnukæ*, familiam sumens pro societate, vel conventu.

Inter acclamationes huic Principi tributas, nonnullæ ad felicitatem Augusti pertinent<sup>a</sup>: Lampridius<sup>b</sup> causam adfert; *Inter hæc Commodus Senatu semet ridente, quum adulterum Matris Consulem designasset, appellatus est Pius, cum occidisset Perennem appellatus est Felix*. Prius Britannici nomen assumpsit, deinde se appellari voluit Felicem, quod evenit, ut jam diximus, post Perenni mortem, incepto jam ante Britannico bello felicibus auspiciis post ejus Trib. Pot. IX. Igitur post Perenni mortem Felix indictus est Imperator.

SILVANVM. AVGVSTVM. FAMILIA. RESTITVIT.

Cum inter Lares adscribi posse Silvanum censeatur, veluti in principio ostendimus;

<sup>a</sup> Herod. in vit.

<sup>b</sup> in vit.

mus; hinc in Larum quoque Vialium numero relatum fuisse videtur, ita vero familiaris etiam Lar creditus, cultusque fuit. Eruitur etiam ex antiquis Marmoribus Silvani Collegium unum idemque fuisse cum Larum Collegio; nostramque conjecturam haud parum confirmare videtur hæc inscriptio apud Gruterum<sup>a</sup>.

SILVANO . SACRVM . SODAL . EIVS . ET . LARVM  
DONVM . POSVIT . TIT . CLAVD . AVG . LIB .  
FORTVNATVS . A . CVRA . AMICORVM .

In qua Inscriptione, ii qui Collegio Larum inscripti sunt, Sodalitio Silvani, & Larum quoque sodales clarissime designantur. Ferrarius<sup>b</sup> autumat siglas AVG. legi debere, veluti Silvano, Genio, Lari, Custodi, aut Patrono Augusti; sed bona tanti viri pace, ex nostro Marmore compertum habemus, Silvano Augusto legendum esse, idemque Silvano Aureliano. Familia igitur

<sup>a</sup> Inscr. pag. 63. num. 1.

<sup>b</sup> De Re Vestiar. ap. Gruter. tom. 6. pag. 735.

tur Gladiatoria vel Ædem, vel signum Silvani in institutione novi Collegii restituit.

DEDICANTE . SEVERIANO . MAXIMO .

Quintilianus <sup>a</sup> de Templis, ac simulacris ita locutus est : *Dedicatio est illa, quæ Deum inducit, quæ sede destinata locat*; ut omittam ea, quæ Eruditissimus Mazocchi<sup>b</sup> scripsit in sua Diatriba de Amphiteatro Campano. Quo ad simulacri dedicationem, non aliud esse autumo, quam ejusmodi collocationem in destinata sede, quod fiebat per aliquem ex Pontificibus, vel Sacerdotibus, inter quos facile credi potest constitutum fuisse Severianum Maximum, qui Collegium, Templum, vel Silvani Aureliani signum dedicavit.

PROCVRANTE . FELICITER . ORDINI . POTESTATUM  
ET . CVLTIS . DOCTORIBVS.

Sensus, ac sintaxis hic obscura est, cum legendum sit : *Procurantes feliciter ordinis*  
E pote-

<sup>a</sup> Declam. 323.

<sup>b</sup> Vid. ejus Dissert. Dedic. sub Ascia.

*potestates, & cuncti Doctores*; videlicet primi in ordine, Collegio, ac Societate, & omnes Magistri, Lanistæ, qui & Doctores. Apud Goltzium <sup>a</sup> habemus in veteribus lapidibus DOCTOR. COHORTIS., DOCTOR. CAMPI. Ludis Gladiatorii prærant Lanistæ, a laniandis corporibus dictis, qui honestiore, & invidendo verbo *Doctores* dicti fuere, & Magistri, videlicet quia novos Gladiatores, & tyrones docebant: quin iidem *commentari*, & *dictata docere* dicuntur, verbis omnibus a meliori ludo sumptis: idem dicendum, si loco CVNCTIS, legendum sit CVLTIS Doctoribus, videlicet expertis Magistris. Procurantes appellantur Ordinis Potestates, idest primi regentes, vel Administratores Collegii: Cæsar<sup>b</sup> ait, *Procurator Regni*; qui forsitan erant illi, in alio Marmore dicti Curatores, M. Aurelius Aug. Lib. Hilarus, & Coelius Magnus Cryptarius.

CV.

<sup>a</sup> *Thesaur. rei Antiq. pag. 90.*

<sup>b</sup> *Debell. Gall. lib. 1.*

## CVRANTE

MARCO . AVRELIO . AVGVSTI . LIBERTO . EUPORAN .

Administratores Collegii superius memorantur; hic videtur, M. Aur. Aug. Lib. Euporanum præfuisse Ædificio; nam Cicero ait<sup>a</sup>: *Præficere curationem, qui statuis faciendis præfuit*; & in lapidibus sæpe legimus<sup>b</sup>: CVRATORES. VRBIS. ET. ANNONAE. AEDILES. CVRATORES. LVDORVM. Sicuti Collegii curam habuere Aurelius Hilarus, & Coelius Magnus, procurarunt vero Primi in Ordine, seu Collegio, ita Ædificio præfuit, ac curavit M. Aur. Aug. Lib. Euporantus.

MAXIME. COMMODIANE. ABIAS. PROFITIVM. CAESAREM.

Uti Gladiatorum Familia vota, & acclamationes protulit, inscripsitque pro Imperatoris incolumitate, ita Epigramma absolvit, augurando Maximo forsan Severiano Sacerdoti, & Pontifici, qui dicitur hic Commodianus, unde nomen integrum erit

E 2

Maxi-

---

<sup>a</sup> De leg.      <sup>b</sup> Goltz. ub. sup.

*Maximus Severianus Cōmmodianus* , qui Templum , aram , vel statuam consecra-  
vit , omnia felicia si Cæsarem habeat in se  
propitium : *Abias* , pro habeas legendum  
puto , cum purum putumque idiotismum  
sit.

F I N I S.



IN-



## INSCRIPTIONES

*Præteritis diebus inventæ extra Portam Pincianam  
 Urbis in Vineâ DD. Co. de Pelucchiis,  
 mense Augusti Anno 1756.*

L. LICINIUS

M. F. POL. NEPOS

CVIVS . DE . VITA . MERITO

POTEST . NEMO . QVERI

QVI . NEGOCIANDO . LOCVPLETEM

SE . SPERAVIT . ESSE . FVTVRVM

SPE . DECEPTVS . ERAT . ET . A . MVLTI

BENEMERITVS . AMICIS

HANC . CASVLAM . IN . PARV

O . FECIT . SVPREMI . TEMPORIS

SEDEM . MAIORI . CVRA

QVAM . IMPENSA . POTVIT

DIIS . PARENTIBVS . SVIS

HVNC . LAPIDEM . POSVIT

SVPREMV . SEMOTO . LOCO

SVPIVS \* . QVEM . FACTVM . EST

\* sic.

VT . REMANERENT . OSSA

ET . CINERES . CAI . FRATRIS . ET

SVA . VBI . REQVIESCERENT

ET . PER . QVEM . TESTARI . POSSËT

QVAM

QVAM . LABORIOSE . ET . NON  
 \* sic. SECVRE . VIX . SER. \* ET . QVI . VIVOS  
 MVLTI . IN . FVTVRVM . SVPREM  
 A . HOSPITIA . DONAVIT . AMICIS  
 CVIVS . IN . HOSPITIO . REQVIESCVNT  
 MVLTI.... GRATIIS . ET . AMICIS  
 QVOS . ROGAT . VT . QVOD . EIS . SVPERAT . SVIS  
 \* sic. DONENT . FRATRIS . \* . NE . VENDANT  
 VITENT . HOMINES . AVAROS . AVDACES  
 MONVMENTORVM  
 \* sic. SACRILOCOS . PER . QVOS . DECESSIS \*  
 NVMQVAM . REQVIESCERE . LICET  
 HOMO . VIOLARE . NOLI . SI . TE  
 MORITVRVM . PVTAS  
 P. Q. XII.

## I I.

D. M.  
 CHRISAORIA . AVG. LIB. ADIVTORI  
 A . COMMENTARIS . ORNAMENTORVM  
 FILIO . PISSIMO . QVI . VIX . ANN. XXVII.  
 M. VIII. FECERVNT  
 CL. APELLES . ET . CL. PRIMATIVA . PARENTI  
 ET . SIBI  
 IN . F. P. X. IN . A. P. VIII.

## III.

D.

M.

CL. APELLES . FECIT . SIBI . ET  
 CL. PRIMATIVE . CONIVGI . IDEM . LIB.  
 CVM . QVA . VIX . SINE . QVERELLA . ANN.  
 XXXII. MESIBVS . III. IPSA . VIX . ANN.  
 XXXXV. SI . QVIS . HANC . ARAM . VENDERE  
 AVT . ABALENARE . VOLET . INFERAT . ERA  
 RIO . P. HS. XX. M. NAVTIS \* . QVI . EMERIT  
 IN . F. P. X. IN . A. P. VIII.

\* sic .





614.3

DE  
BENEVENTANO  
CERERIS AVGVSTAE  
MENSORE.